



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CXCII. König Wladislaw von Polen klagt dem Markgrafen Friedrich einen in der Neumark gegen Polnische Bürger verübten Friedensbruch, am 4. März 1422.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

CXCII. König Wladislaw von Polen klagt dem Markgrafen Friedrich einen in der Neumark gegen Polnische Bürger verübten Friedensbruch, am 4. März 1422.

Wladislaus, dei gracia Rex Polonie littwanieque princeps supremus et heres Ruffye. Magnifice et preclare princeps frater et amice noster dilecte. Grauiamine Ciuium nostrorum de Costan recipemus querelam continentem, quomodo aduocatus noue Marchie quosdam ex illis Nicolaum uidelicet et Albertum dominum pro quibusdam suis negocijs disponendis uersus Stettin cum eorum necessarijs sub spe treugarum pacis, quas uestra fraternitas inter nos et cruciferos de Prussia interposuit, procederent, receptis eorum bonis equis et rebus Captiuauit et dimisit tandem, dato temporis termino super medio quadragesime ad pristine Captiuitatis mancipia redeundi. Cum ita hec ab illis patimur pendente trewga per uestram fraternitatem interposita, merito ad uos recurrimus, que nobis per illos In earum treugarum lesionem inferuntur. Ex quo si aliquando illis scribimus nichil prouicimus sed cominus maioribus iniurijs conturbamur. Quo circa fraternitatem uestram petimus quatenus predictorum nostrorum liberacioni Ciuium et restitutioni ablatorum uelitis interponere presentes uestras et efficere apud illos, quod nos et subditos nostros amplius adhuc in hac treugarum pendencia non molestant. Datum retro fferia quarta proxima post dominicam inuocauit. Anno domini Millesimo quadringentesimo uigesimo secundo.

Relacione Venerabilis Sbignei prepositi sancti ffloriani ante Cracouiam.

Preclaro et Magnifico Principi domino Marchioni Brandenburgensi et Burggrawio Norimbergensi, sacri Romani Imperij Archi Camerario, fratri ac amico nostro charissimo.

Rach Kaczynski Cod. dipl. Litth. S. 282.

CXCIII. König Wladislaw von Polen entschuldigt sich bei den Preussischen Landständen wegen der Erfolglosigkeit seiner Friedens-Verhandlungen mit dem Orden, am 14. Juni 1422.

Wladislaus, dei gracia Rex Polonie Lithuanieque princeps supremus et heres Ruffye etc., Vniuersis et singulis militibus, Nobilibus, Clientibus et uasallis per terras, dominia et districtus pruffie vbilibet constitutis Amicis et beniuolis grate dilectis, Graciam Regiam et omnis boni firmitatem. Strenui nobiles ac Conspicui amici et beniuoli grate dilecti. Ne sinistre inculacionis odiosa et hostilis fama de nobis et fratre nostro carissimo Magno duce littuanie inducta in uestri presencia locum uendicaret, prouidentissima inocencie nostre claritate uobis et uestrum cuilibet duximus propalandum, Quomodo nos vnacum fratre nostro predicto in animis reuoluentes, quot et quanta mala ex preteritorum bellorum fremitibus et gwerrarum disturbis hincinde inter nos et Ordinem Cruciferorum durantibus secuta fuere, ampliores cedes et preteritorum occasiones euitare quantumcunque potuissemus peroptantes, ad mandata sanctissimi domini nostri pape Martini quinti uobis per uenerabilem Anthonium Zeno decretorum doctorem et sedis apostolice nuncium in plenitudine pietatis nunciata tamquam filii obediencie etc. pacis zelatores vteriores treugas pacis cum parte